

元和縣志卷之十八

園亭

園林之葺所以適游觀也六則淳泓明瑟石則刻削崢嶸卽一壑一邱輒令人作濠濮間想然而玉樓金谷不逾時而蕩為墟莽榛蕪矣陸天隨過辟疆園詩云草色興行人誰能問遺跡撫今弔古懷愴獨深舉其知名者著之於篇池平臺地之餘猶髮鬢當時之勝槩焉志園亭

周

元和縣志

卷十八

園亭

十

梧桐園在吳宮吳王夫差園也樂府云梧宮秋吳王

愁郡志載吳宮在長洲茂苑東南五十里

今名吳宮鄉

園無考或云在甫里塘其地名楓庄者是

晉

王珣與弟珉別墅在虎邱山咸和二年捨二墅為東

西寺

唐

韋應物山莊在吳淞江南常放舟吟詩於此故名吟

浦

陸龜蒙別業在甫里吳宮鄉龜蒙躬耕於此地數畝
屋三十楹田計十畝步中有八景曰清風亭光明
閣杞菊畦雙芥堤桂子軒鬪鴨池垂虹橋鬪鴨闌
後為白蓮寺建祠塑像宋咸淳中有無賴子醉仆
其像於水腹中所藏皆平生詩文彙云

羅隱菴在甫里北隅隱嘗慕 龜蒙願與之遊因結菴
於里時相酬唱焉

陸山人樓亭廣異記云蘇州山人陸去奢亭子卽戴

顓宅也

見儲光
義詩

元和縣志

卷十八

園亭

二

褚家林亭松陵唱和集云在震澤之西范志云當在
淞江之旁

東墅與南園皆廣陵王元璩圃吳時其子文奉為衙
內指揮使所創經營三十年極園池之勝奇卉異
木皆成合抱又累土為山亦成巖谷晚年經度不
已每燕集其閒任客所適文奉跨白驃披鶴氅緩
步花徑或泛舟池中客與往來聞客笑語就之而
飲

李無晦醉眠亭在淞江之旁無晦名行中隱居不仕
東坡穎濱嘗過訪留題

何仔園在尹山種植甚繁牡丹尤多周益公嘗遊見
南歸錄

醒心亭熙寧間曹俸履中所葺在葑門內有土阜對
峙水中雖巨浸弗沒號曰浮墩相傳有雙松參天
建炎之難潰兵欲伐之隕石如雨乃止今放生池
卽其地

魏文靖公別業在甫里卽羅隱菴址也有莊田數
元和縣志

卷十八 園亭

三

頃名魏家庫

元

徐處士清寧菴在張林西山大德甲辰葺鑿池屈曲
引流種樹前列二亭左曰怡閒右曰蒙泉

笠澤漁隱陸德原築也在吳淞江上德原龜蒙九世
孫有續杞菊賦築室其間思復江湖散人故事焉

明

一莊吳文定公寬之父孟融所治也在葑門內中有
稻畦桑園果園振衣臺折桂橋麥邱竹田續古堂

拙修菴耕息軒知樂亭諸勝孫奕又增建

渚二亭

南園在陽城東湖鄭景行所築前臨巨浸後據畝邱
中多聚奇石爲山環以脩竹名花有擷芳徑觀魚
檻聽鶴亭

東園在甫里眠牛涇北馬文憲勗所築爲周興趙文
輩詩文酬唱之所中有佳石曰翠雲朶

都御史徐源別業在瓜涇中有池館林泉之勝與夾
浦橋相望名曰夾浦書莊

元和縣志

卷十八 園亭

四

五湖田舍白陽山人陳淳所居在大姚村堂曰閱帆
軒曰碧雲

晨熹樓爲司直皇甫洵讀書處旁有亭曰梧亭在孔
夫子巷宅

素芝園在閭門外上津橋徐太學墨川園也文待詔
仇十洲爲之布畫入門百步長廊以達於園壘假
二山號假山徐云

黍議廷裸園在葑門內天賜莊東公安袁宏道稱
畫壁攢青飛流界練水行石中人穿洞底巧踰

生成幻若鬼工千蹊萬壑遊者幾迷出入

徐岡卿泰時有東園西園在閶門外下塘石屏高三丈濶可二十丈玲瓏峭削如一幅橫披山水了無斷續痕周生時臣所壘也堂側有土壠甚高多古木壠上太湖石一座名瑞雲峯高三丈餘相傳宣和間朱勣所鑿纜至舟中石盤忽沉湖底覓之不得遂未果行後烏程董氏購去載至中流船亦覆董氏募善沒者取之後爲徐氏移置園中舊聞此石每夜有光燭空故名瑞雲今淹沒民家久矣

元和縣志

卷十八

園亭

五

南星別業黃姬水讀書處在省會舊廬南偏

着勝亭司李三騰程卽宅中隙地綴以奇花怪石作亭於其間瀾叅議范允臨顏之

叅政丁元復別業在十郎巷疊石爲山疏渠爲沼碧柳高梧映帶左右宋時爲楊和王別墅故地多閒曠絕類山居今改爲元和治署

梅花墅在甫里姚家衝西秘書許自昌選地百畝瀟水蓄魚梅柳縱橫竹箭秀擢輦石爲島峰巒攢立中亭館臺榭俱備時與四方名流賦詩讌飲其間

松石園在甫里通明道院之南與府良醫馬用所構
松石其別號云

歸氏園在苑橋巷創自歸太學湛初洞石玲瓏有堂
顏曰米文後歸水部胡汝淳易顏曰洽隱山房

高酣亭侍御顧宗孟建文震孟題在天賜莊宅旁疊石環

花為讀書宴息之所後考乃施何牧僑寓於此

瑜影園在虎邱便山橋南數武文肇祉所築後處士
顧峇居之更其名曰雲陽草堂中有室曰松風寢
御史李模別業在龍墩墓旁有春水船紫函閣頤厂

元和縣志

卷十八 園亭

木

睢龕靜寄晶廬諸室子文學炳絕跡城府時加葺
治終身棲焉

芳草園在定跨橋北青霞居士顧凝遠築水石清幽
花竹秀野別館閒亭頗極佳勝後屢易主僅傳其
名曰花谿云

國朝

亦園在葑門內贈檢討尤淪築中有揖青亭水哉軒
諸勝子侗築看雲草堂益加脩葺孫珍又增建

御書亭

邱南小隱編修汪琬葺也在虎邱編修讀書於此執
經問業者常履滿戶外歿後改祠祀編修於其中
薛家園在婁門外下塘薛宗濂築月波樓錦香亭爲
園中最勝處宗濂女孫瓊有過舊居廢園定風波
詞云曲徑蒙茸草沒鞦韆鞦韆倒影卧
蒼苔賤殺韶光輕斷送珍重榆錢增價買愁來昔
日繁華何處去無據年年啼鳥怨花開深鎖朱扉
人不到誰教東
風吹遍好樓臺

葑水園翰林檢討馮勗所築在葑門外堂曰含青亭
曰紅香晚歲建碑亭勒

御製咏鶴詩於石

元和縣志

卷十八

園亭

七

留邸園在婁門內翰林汪份讀書處有遊喜齋硯材
書屋秋香徑知樂草堂

匠門書屋在城東檢討張大受所居前隣古寺傍枕
河濱有孝廉船讀書亭侶蛩齋潮生閣活碧軒園
多古木老幹橫空綠陰晝寂極爲幽勝

洽隱園在小顯子巷少微真人韓馨隱居於此康熙
間燬園中諸勝惟小林屋存焉

綉師小築宋副使宗元構以養母者內有北山草堂
無喧廬小山叢桂軒濯纓水閣梅花鏡石山房踏

和室溪西小隱度香艇花影亭半巢居斗塔藤麗
下 彌樓十二景

萱圃在下津橋東周廣文謹宅子孫世居之堂曰敬
紹仲子秉義於宅後構小園名萱圃中有荆樂書
堂雲竦閣曉白亭煮石窩竹坡淡香居

涉園在寶成倉對河中有數帆閣濯纓池借笠亭晴
雪軒覓句廊吟窩陸宣公墓柏重青碑在吟窩中
貢士王廷魁畫南北名人題咏裔孫保寧太守陸
錦勒石

元和縣志

卷十八

園亭

八

其他如管家園迓家園金家園穆家園遺跡久湮
漫無可考仍闕焉